

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 14 OKTOBER 2014, PUKUL 10.00 PAGI

Bil. 34

PERTANYAAN-PERTANYAAN BAGI JAWAB LISAN

1. PR-1323-L63921
Datuk Raime bin Unggi [Tenom] minta **MENTERI LUAR NEGERI** menyatakan usaha Malaysia untuk menghantar nota bantahan kepada Pertubuhan Bangsa-Bangsa Bersatu (PBB) terhadap negara Israel yang melancarkan peperangan selama 50 hari ke atas Gaza di Palestin.
2. PR-1323-L64964
Tuan Loke Siew Fook [Seremban] minta **MENTERI DALAM NEGERI** menyatakan sama ada Kementerian menerima laporan DNA sebagai bukti sokongan untuk kes-kes permohonan kewarganegaraan di kalangan kanak-kanak *stateless* yang bapanya merupakan warganegara dan adakah Kementerian bersedia menggunakan pendekatan ini untuk menyelesaikan kes-kes yang tertunggak.
3. PR-1323-L64344
Dato' Sri Azalina binti Dato' Othman Said [Pengerang] minta **PERDANA MENTERI** menyatakan apakah langkah-langkah keselamatan yang telah dirancang oleh APMM untuk memerangi aktiviti penyeludupan diesel seperti yang berlaku di Parlimen Pengerang dengan nilai rampasan yang agak tinggi di mana aktiviti ini dapat memberi kesan kepada kesejahteraan ekonomi negara.
4. PR-1323-L64431
Tuan Charles Anthony Santiago [Klang] minta **MENTERI SUMBER MANUSIA** menyatakan cadangan Kerajaan untuk mengelakkan penindasan pekerja asing seperti di JCY International Bhd. di Kulai baru-baru ini.
5. PR-1323-L64653
Datuk Seri Noh bin Haji Omar [Tanjong Karang] minta **MENTERI KOMUNIKASI DAN MULTIMEDIA** menyatakan bagaimanakah Kerajaan melihat isu kebebasan media yang diberi oleh Kerajaan seperti telah dicabuli dengan tersebaranya perkara-perkara dan maklumat yang melangkaui batas sosial seseorang.

6. PR-1323-L64729
Tuan Teo Kok Seong [Rasah] minta **MENTERI KESIHATAN** menyatakan secara terperinci usaha yang telah dilakukan oleh Kementerian untuk mencegah wabak Ebola merebak di Malaysia.
7. PR-1323-L63670
Dato' Abdul Manan bin Ismail [Paya Besar] minta **PERDANA MENTERI** menyatakan pembinaan Universiti FELDA dalam melahirkan kelompok saintis bidang pertanian dan asas tani serta mampu menjadi penyumbang utama golongan profesional yang diiktiraf di seluruh dunia.
8. PR-1323-L64842
Tuan R. Sivarasa [Subang] minta **MENTERI TENAGA, TEKNOLOGI HIJAU DAN AIR** menyatakan adakah Kementerian bercadang mengkaji semula dasar yang memberi kuota Feed-in-Tariff yang besar dan untung lumayan kepada pelabur besar dan tidak mengutamakan pelabur individu dalam penggunaan Renewable Energy Fund yang dikendalikan oleh Sustainable Energy Development Authority (SEDA) Malaysia.
9. PR-1323-L63833
Tuan Haji Ahmad Nazlan bin Idris [Jerantut] minta **MENTERI KEWANGAN** menyatakan apakah langkah-langkah yang diambil oleh Kerajaan untuk membantu rakyat yang berpendapatan antara RM2,500 ke RM4,000 sebulan dalam menghadapi kesan kenaikan kos sara hidup pada masa kini.
10. PR-1323-L63647
Dato' Kamarudin bin Jaffar [Tumpat] minta **PERDANA MENTERI** menyatakan apakah tahap kesesuaian dan keselamatan landasan keretapi laluan Tumpat-Gemas dan adakah penjagaan landasan itu mengikut jadual.
11. PR-1323-L64121
Dato' Henry Sum Agong [Lawas] minta **MENTERI KESIHATAN** menyatakan bilakah Klinik 1Malaysia di adakan di Lawas.
12. PR-1323-L64409
Tuan Ignatius Dorell Leiking [Penampang] minta **MENTERI PENDIDIKAN** menyatakan :-
 - (a) sama ada Kementerian mengambil perhatian terhadap situasi di mana bilangan pelajar imigran melebihi pelajar tempatan di sesetengah sekolah di Sabah, contohnya di SK Pekan Kinarut, Papar; dan
 - (b) berikan statistik atau data berkenaan, dan apakah langkah bagi menangani keadaan sebegini.

13. PR-1323-L63427
Datuk Juslie bin Ajirol [Libaran] minta **MENTERI PERDAGANGAN ANTARABANGSA DAN INDUSTRI** menyatakan faktor Malaysia tersenarai dalam 20 negara paling berdaya saing dalam Laporan Daya Saing Global 2014-2015 yang dikeluarkan Forum Ekonomi Dunia pada 3 September 2014 lalu.
14. PR-1323-L64696
Tuan Wan Hasan bin Mohd Ramli [Dungun] minta **MENTERI BELIA DAN SUKAN** menyatakan apakah ada garis panduan berpakaian ahli sukan wanita Islam semasa menyertai pertandingan.
15. PR-1323-L65174
Dato' Wira Mohd Johari bin Baharom [Kubang Pasu] minta **MENTERI SUMBER ASLI DAN ALAM SEKITAR** menyatakan tentang wujudnya bahan galian seperti emas, perak, timah atau uranium yang ada di Malaysia. Sila sebutkan penemuan terbaru untuk bahan-bahan galian berkenaan dan dinegeri manakah yang ditemui. Apakah prospek bagi menjana pendapatan kerajaan terhadap bahan-bahan galian tersebut untuk jangka pendek dan jangka panjang.
16. PR-1323-L63752
Dato' Fauzi bin Abdul Rahman [Indera Mahkota] minta **MENTERI PENDIDIKAN** menyatakan adakah Dasar Pelajaran Kebangsaan yang digubal pada awal kemerdekaan negara telah memenuhi matlamatnya. Oleh kerana negara telah membangun dan kehidupan rakyat telah berubah, bersediakah Kementerian mengkaji semula Sistem Pendidikan Negara agar jika dahulunya kita mahu melahirkan insan yang berilmu dan berkemahiran, kini kita mahu lahirkan insan 'Berilmu, Beriman dan Berakhlak'
17. PR-1323-L65347
Tan Sri Dato' Sri Dr. Jamaluddin bin Mohd Jarjis [Rompin] minta **PERDANA MENTERI** menyatakan :-
- (a) usaha-usaha yang diambil oleh pihak Koridor Wilayah Timur (ECER) dalam menarik pelaburan luar ke kawasan Rompin dalam bidang perindustrian untuk memberi peluang pekerjaan dan menjana ekonomi setempat ; dan
 - (b) memaklumkan projek-projek yang telah dan akan dilaksanakan di dalam kawasan Parlimen Rompin di bawah ECER.
18. PR-1323-L63551
Tuan Idris bin Haji Ahmad [Bukit Gantang] minta **PERDANA MENTERI** menyatakan berapa ramai saintis Malaysia yang menyahut seruan Kerajaan supaya pulang berkhidmat di dalam negara ini sehingga 2013 mengikut negara-negara yang mereka berkhidmat sebelum ini.

19. PR-1323-L63386
Datuk Aaron Ago anak Dagang [Kanowit] minta **PERDANA MENTERI** menyatakan status keselamatan, sosial dan ekonomi negara setakat ini dan dengan itu adakah negara kita dapat mencapai status negara maju sebelum atau menjelang Tahun 2020.
20. PR-1323-L64497
Tuan Gooi Hsiao-Leung [Alor Setar] minta **MENTERI KEWANGAN** menyatakan kenyataan awam beliau, khususnya dalam apa cara RM6 bilion yang akan disuntik ke dalam Malaysia Airlines oleh Khazanah Nasional Berhad adalah satu pelaburan dan bukannya satu percubaan untuk menyelamatkan syarikat penerbangan itu.
21. PR-1323-L63500
Tuan Khoo Soo Seang [Tebrau] minta **MENTERI KERJA RAYA** menyatakan berapakah anggaran kutipan tol tahunan di CIQ Johor Bahru. Adakah ia mencukupi untuk menampung bayaran kepada pihak konsesi yang membina Eastern Dispersal Link (EDL) serta impaknya terhadap ekonomi negeri Johor dan negara secara jangka pendek dan panjang.
22. PR-1323-L63863
Dato' Ngeh Koo Ham [Beruas] minta **PERDANA MENTERI** menyatakan apakah rancangan SPAN untuk memperbaiki sistem pengangkutan awam di Daerah Manjung, Perak yang sekarang perkhidmatan bas awamnya beroperasi tidak mengikut jadual dan tidak memberikan khidmat ke banyak lokasi dalam Daerah Manjung.
23. PR-1323-L65345
Tan Sri Datuk Seri Panglima Annuar bin Musa [Ketereh] minta **MENTERI PENDIDIKAN** menyatakan strategi bagi meningkatkan ranking universiti awam di Malaysia dan apa pula langkah bagi memantau kualiti kolej dan universiti swasta di Malaysia.
24. PR-1323-L63929
Tuan Nik Mohamad Abduh bin Nik Abdul Aziz [Pasir Mas] minta **MENTERI KESIHATAN** menyatakan langkah yang diambil untuk meningkatkan penerangan kepada masyarakat mengenai penyakit denggi yang kian menular di negara kita.
25. PR-1323-L64289
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI BELIA DAN SUKAN** menyatakan sejak belakangan ini, banyak persatuan sukan di Malaysia telah berlaku pergolakan dalaman sehingga menjejaskan persediaan atlet. Apakah sebab insiden ini berlaku dan nyatakan tindakan susulan Kementerian dalam membendung masalah ini.

26. PR-1323-L64789
Tuan Ahmad Marzuk bin Shaary [Bachok] minta **MENTERI DALAM NEGERI** menyatakan jumlah saman trafik yang dikenakan kepada pengunjung kuliah Jumaat Tuan Guru Dato Nik Abdul Aziz di Dataran Ilmu Kota Bharu sepanjang 2012, 2013 dan 2014. Sejauh manakah budi bicara polis dalam mengatasi kesusahan meletak kereta bagi ribuan pengunjung kuliah ilmu Tuan Guru Nik Abdul Aziz dan kaedah yang diguna pakai oleh polis trafik dalam mengendalikan kesesakan lalu lintas di mana-mana majlis ilmu dan ceramah.
27. PR-1323-L65306
Datuk Sapawi bin Ahmad Wasali [Sipitang] minta **MENTERI DALAM NEGERI** menyatakan langkah yang diambil untuk memastikan tiada warga asing menggunakan dokumen pengenalan palsu, menjadi pengawal keselamatan berikutan banyak kes sedemikian berlaku sebelum ini.
28. PR-1323-L65094
Dato' Seri Abdul Hadi bin Awang [Marang] minta **PERDANA MENTERI** menyatakan apakah status keselamatan terkini di wilayah keselamatan yang ditadbir oleh Eastern Sabah Security Command (ESSCOMM) setelah berlakunya siri pencerobohan dan penculikan baru-baru ini.
29. PR-1323-L64632
Puan Hajah Normala binti Abdul Samad [Pasir Gudang] minta **MENTERI DALAM NEGERI** menyatakan jumlah tindakan yang telah diambil oleh pihak Kementerian bagi memastikan keharmonian antara kaum berikutan lebih 30 kes melibatkan isu sensitif perkauman telah dilaporkan dalam tahun ini.
30. PR-1323-L63978
Tuan Lim Guan Eng [Bagan] minta **PERDANA MENTERI** menyatakan mengapakah kes pencerobohan 15 individu ke dalam Dewan Undangan Negeri Pulau Pinang pada 21.5.2014 yang memalukan negara tidak didakwa di bawah Seksyen 121B dan 124B Kanun Keseksan agar ia menghantar mesej bahawa sesiapa sahaja tidak boleh sewenang-wenangnya mempermainkan institusi perundangan untuk tujuan politik.
31. PR-1323-L64602
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kerajaan mempunyai sebarang rancangan kerjasama antara institusi kewangan dan Kerajaan Persekutuan untuk mewujudkan satu skim pembiayaan khusus bagi rakyat yang layak memohon rumah mampu milik dan sekiranya sudah wujud, butiran tentang skim tersebut.
32. PR-1323-L63969
Tuan Er Teck Hwa [Bakri] minta **MENTERI KEWANGAN** menyatakan harta tanah yang dimiliki oleh warga asing dengan pecahan rumah pangsa, rumah kondominium, pangsapuri, ladang, tanah kosong mengikut setiap negeri dari 2005 hingga 2014.

33. PR-1323-L63657
Ir. Shaharuddin bin Ismail [Kangar] minta **MENTERI SUMBER MANUSIA** menyatakan :-
- (a) adakah Kementerian ini ada menjalankan kerjasama dengan Kementerian Pendidikan bagi memastikan kursus yang ditawarkan di IPTA/IPTS bersesuaian dengan kehendak pasaran bagi mengelakkan masalah lambakan graduan yang tidak memenuhi permintaan dan pasaran pekerjaan; dan
 - (b) berapakah jumlah graduan ijazah kelas pertama yang masih belum berjaya mendapat peluang pekerjaan enam bulan dari tempoh konvokesyen.
34. PR-1323-L64529
Tuan Su Keong Siong [Ipoh Timor] minta **MENTERI DALAM NEGERI** menyatakan jumlah kematian dalam tahanan Polis yang telah berlaku sehingga hari ini. Jelaskan kenapa langkah-langkah yang diambil oleh pihak polis untuk menghalang kematian dalam tahanan polis daripada berlaku adalah tidak berkesan.
35. PR-1323-L64868
Dato' Dr. Mujahid Yusof Rawa [Parit Buntar] minta **MENTERI DALAM NEGERI** menyatakan berapakah statistik di seluruh negara jenayah gengsterisme yang berlaku di sekolah mulai 2010 hingga 2014. Apakah punca golongan ini terlibat dan langkah mengatasi yang diambil Kerajaan.
36. PR-1323-L64368
Tuan Lim Kit Siang [Gelang Patah] minta **PERDANA MENTERI** menyatakan mengapa Peguam Negara sejak bulan Ogos lalu telah membuat keputusan mendakwa secara memilih (selective prosecution) terhadap orang yang didakwa atas Akta Hasutan.
37. PR-1323-L65019
Dato' Seri Anwar bin Ibrahim [Permatang Pauh] minta **MENTERI PENDIDIKAN** menyatakan secara terperinci berhubung insiden peletakan jawatan pengasas dan Pengarah Pusat Demokrasi dan Pilihan Raya Universiti Malaya (Umcedel) Prof Datuk Redzuan Othman.
38. PR-1323-L63695
Dato' Mansor bin Othman [Nibong Tebal] minta **MENTERI PERTANIAN DAN INDUSTRI ASAS TANI** menyatakan jumlah bilangan keseluruhan kakitangan yang berkhidmat dengan TEKUN NASIONAL kini dan berapakah jumlah kos setiap bulan bagi membayar gaji dan lain-lain emolumen kepada kakitangan TEKUN.
39. PR-1323-L64889
Tuan Julian Tan Kok Ping [Stampin] minta **MENTERI TENAGA, TEKNOLOGI HIJAU DAN AIR** menyatakan keberkesanan SEDA ACT 46 dalam membanteras pencurian kabel di Sarawak setelah ianya diterima pakai di Sarawak pada 2 April 2014.

40. PR-1323-L64302
Puan Teresa Kok Suh Sim [Seputeh] minta **MENTERI KEWANGAN** menyatakan secara terperinci tentang rancangan penstrukturan semula Syarikat Penerbangan MAS. Apakah penstrukturan semula ini akan menjejaskan penerbangan di kawasan luar bandar yang kini dikendalikan oleh MAS Wing yang kurang menguntungkan.
41. PR-1323-L65176
Dato' Haji Mahfuz bin Omar [Pokok Sena] minta **PERDANA MENTERI** menyatakan sejauh mana Jawatankuasa Majlis Bencana Alam yang dipengerusikan oleh YAB Timbalan Perdana Menteri untuk menghadapi masalah banjir dan El Nino. Adakah Kerajaan bercadang untuk mengimport beras untuk bekalan "bufferstock" beras negara.
42. PR-1323-L64879
Tuan Mohd Rafizi bin Ramli [Pandan] minta **MENTERI KEWANGAN** menyatakan pengesahan sama ada Cukai Barang dan Perkhidmatan (GST) akan dikenakan ke atas penjualan petrol dan diesel kepada orang ramai.
43. PR-1323-L63781
Raja Dato' Kamarul Bahrin Shah [Kuala Terengganu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan memandangkan fasa pertama pembinaan Pasar Baru Cabang Tiga, Kuala Terengganu jelas melanggar garis panduan Kementerian mengikut jawapan parlimen pada sesi awal 2014, adakah fasa kedua pembinaan tersebut yang melibatkan pembinaan jenis bangunan yang sama akan dihentikan melalui 'stop work order' dari Kementerian.
44. PR-1323-L64951
Tuan Chong Chieng Jen [Bandar Kuching] minta **MENTERI KESIHATAN** menyatakan apakah sebabnya projek pembinaan Hospital Umum Sri Aman terbengkalai walaupun ia telah dijanji oleh Perdana Menteri dalam tahun 2011 bahawa ia akan disiapkan pada hujung tahun 2013.
45. PR-1323-L63590
Tuan Sim Tong Him [Kota Melaka] minta **MENTERI PENDIDIKAN** menyatakan :-
- (a) nama-nama sepuluh sekolah yang tertua di negara kita dan adakah kesemua sepuluh sekolah tersebut telah diwartakan sebagai kekal kedudukannya; dan
 - (b) apakah keputusan tentang cadangan perpindahan SM Tinggi Melaka, Bandar Hilir Melaka (MEB 2090) ke tapak baru dan bilakah permohonan perpindahan sekolah ini dikemukakan dan oleh pihak mana.

46. PR-1323-L65326
Datuk Rozman bin Isli [Labuan] minta **MENTERI SUMBER MANUSIA** menyatakan apakah keberkesanan program yang dipertanggungjawab kepada agensi Pembangunan Sumber Manusia Berhad (PSMB) dalam usaha memperkukuhkan dan menaik taraf Pelan Pembangunan Modal Insan Nasional yang boleh diguna pakai untuk menganjakkan daya saing sumber manusia di Malaysia, setaraf dengan penyediaan latihan pengurusan dan pembangunan sumber manusia negara maju seperti *Society of Human Resources Management* (SHRM) di Amerika Syarikat dan *Chartered Institute of Personal Development* (CIPD) di United Kingdom.
47. PR-1323-L64908
Tuan Sim Tze Tzin [Bayan Baru] minta **MENTERI PERDAGANGAN ANTARABANGSA DAN INDUSTRI** menyatakan secara teliti (pecahan dalam peratusan) penggunaan dana penyelidikan dan pembangunan (R&D) sebanyak RM1.7 bilion yang diminta oleh Syarikat Proton, dan sama ada Kerajaan akan meluluskan dana tersebut.
48. PR-1323-L64397
Puan Nurul Izzah binti Anwar [Lembah Pantai] minta **PERDANA MENTERI** menyatakan :-
- (a) meluluskan peruntukan undang-undang berserta kewangan untuk diwujudkan sistem Kabinet Bayangan; dan
 - (b) mewujudkan sesi soal jawab Parlimen mingguan oleh Perdana Menteri.
49. PR-1323-L64562
Tuan Nga Kor Ming [Taiping] minta **PERDANA MENTERI** menyatakan berapakah jumlah sebenar bilangan individu yang berjaya mendapat anugerah gelaran Dato', Datuk, Dato' Paduka, Dato' Seri, Tan Sri dan Tun mengikut nama negeri-negeri, Sabah, Sarawak dan Wilayah Persekutuan sehingga kini.
50. PR-1323-L64001
Datuk Zahidi bin Zainul Abidin [Padang Besar] minta **MENTERI KESIHATAN** menyatakan adakah Kementerian bercadang untuk meluluskan kembali peruntukan pembinaan Hospital Besar Padang Besar yang ditangguhkan dahulu setelah kelulusan tanah dibuat.
51. PR-1323-L65079
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan sama ada pihak Kerajaan benar-benar berhasrat untuk memansuhkan Akta Hasutan 1948 dan jika benar, jelaskan tarikh sebenarnya dicadangkan untuk dimansuhkan.

52. PR-1323-L64850
Tuan Anuar bin Abd. Manap [Sekijang] minta **MENTERI KERJA RAYA** menyatakan :-
- (a) apakah status Projek Perlebaran Tangkak - Segamat setakat ini; dan
 - (b) adakah Kerajaan bercadang mempercepatkan Fasa 1A projek ini kerana ia melibatkan kawasan sekitar Bandar Segamat.
53. PR-1323-L63678
Tuan Che Mohamad Zulkifly bin Jusoh [Setiu] minta **MENTERI LUAR NEGERI** menyatakan adakah Kerajaan bercadang untuk menyediakan perkhidmatan permohonan visa sekurang-kurangnya bagi negara-negara Komanwel tertentu di semua Pusat Transformasi Bandar (UTC) yang terpilih di negara ini.
54. PR-1323-L63802
Datuk Liang Teck Meng [Simpang Renggam] minta **MENTERI SUMBER MANUSIA** menyatakan apakah langkah-langkah pencegahan yang telah diambil oleh Kementerian untuk mengelakkan atau mengurangkan risiko kepada pekerja binaan serta nyatakan apakah tindakan Kementerian ke atas kontraktor MRT yang terlibat dalam kejadian runtuh konkrit pada 19 Ogos 2014.
55. PR-1323-L64986
Datuk Madius Tangau [Tuaran] minta **MENTERI KEMAJUAN LUAR BANDAR DAN WILAYAH** menyatakan berapakah peruntukan yang diberikan oleh Kerajaan Persekutuan kepada setiap negeri bermula tahun 1965 hingga sekarang untuk menyediakan kemudahan asas; jalan luar bandar; bekalan air luar bandar dan bekalan elektrik luar bandar mengikut tahun.
56. PR-1323-L64760
Datuk Hajah Norah binti Abd Rahman [Tanjong Manis] minta **MENTERI KESIHATAN** menyatakan apakah terdapat kajian peringkat Kementerian untuk menaikkan harga rokok sebanyak 100% sebagai langkah mengurangkan masalah merokok berbanding dengan perbelanjaan kempen iklan seperti 'Tak Nak Merokok' yang hanya dilihat menguntungkan syarikat pengiklanan sahaja dan sejauh manakah kempen anti merokok Kementerian berjaya mengurangkan tabiat merokok di kalangan rakyat setakat ini.
57. PR-1323-L65278
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan mengapa anak syarikatnya, SRC International Sdn. Bhd. yang mempunyai pinjaman dijamin Kerajaan sebanyak RM4 bilion masih belum memfailkan penyata kewangan untuk 31 Mac 2013. Di mana perginya pinjaman tersebut dan mengapa syarikat ini diambil-alih oleh Kementerian pada tahun 2013.

58. PR-1323-L64203
Dato' Othman bin Aziz [Jerlun] minta **MENTERI PENDIDIKAN** menyatakan status pembinaan SMK Agama Jerlun di Padang Sera yang telah diluluskan namun tiada perkembangan fizikal sehingga kini.
59. PR-1323-L63477
Datuk Dr. Makin @ Marcus Mojigoh [Putatan] minta **PERDANA MENTERI** menyatakan adakah Kerajaan melihat slogan 1Malaysia ini sebagai gagal.

ATURAN URUSAN MESYUARAT DAN USUL-USUL

1. (D.R.15 /2014) **Rang Undang-undang Perbekalan 2015 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(13 Oktober, 2014)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh bilion empat ratus sembilan puluh sembilan juta sembilan ratus sembilan puluh empat ribu ringgit (RM 50,499,994,000) dibelanjakan daripada Kumpulan Wang Pembangunan bagi tahun 2015, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2015, yang dibentangkan sebagai Kertas Perintah 42 Tahun 2014, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (13 Oktober, 2014)

2. (D.R 19/2014) Rang Undang-undang Kewangan (No.2) 2014 **Bacaan Kali Yang Kedua**

[Menteri Kewangan]
3. (D.R 10/2014) Rang Undang–undang Penjara (Pindaan) (No.2) 2014 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(9 Oktober, 2014)**

[Menteri Dalam Negeri]
4. (D.R 11/2014) Rang Undang-undang Kewangan (Pindaan) 2014 Tatacara **Bacaan Kali Yang Kedua**

[Menteri Kewangan]

5. (D.R 13/2014) Rang Undang-undang Kumpulan Wang Amanah Negara (Pindaan) 2014 “

[Menteri Kewangan]
6. (D.R 12/2014) Rang Undang-undang Wang Tak Dituntut (Pindaan) 2014 “

[Menteri Kewangan]
7. (D.R 14/2014) Rang Undang-undang Kumpulan Wang Pinjaman Perumahan (Pindaan) 2014 “

[Menteri Kewangan]
8. (D.R 16/2014) Rang Undang-undang Suruhanjaya Syarikat Malaysia (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
9. (D.R 17/2014) Rang Undang-undang Pendaftaran Perniagaan (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
10. (D.R 18/2014) Rang Undang-undang Perkongsian Liabiliti Terhad (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
11. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

‘Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

“Kumpulan Wang Amanah Tabung Konservasi Sumber Asli Nasional”

13. **Menteri Kewangan** akan mencadangkan:-

“Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

“Kumpulan Wang Amanah Fi Jaminan”

14. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan. Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepyau, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

15. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah". Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan.

Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

16. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak. Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

17. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang.

Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

18. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

19. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

20. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

21. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

22. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2014</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
DR.4	Laporan Jawatankuasa Kira-Kira Wang Negara Parlimen Ketiga Belas - Pengurusan Perkhidmatan Kawalan Keselamatan di Institusi Pendidikan / Sekolah (Kementerian Pendidikan)	14 Oktober 2014